



黃帝素問宣明論方卷之四

河間劉守真撰集

熱論

黃帝曰病熱當何禁之岐伯曰病熱少愈食肉則復多食則遺此其禁也因熱稍愈猶未盡除不戒飲食勞動情慾擾亂柰脾胃氣虛未能消化堅食故熱復生五臟者皆熱

夫熱病者傷寒之類也人之傷於寒則爲病熱寒毒藏於肌膚陽氣不行散發而內爲怫結故傷寒者反病爲熱熱雖甚不死柰巨陽爲首巨陽者諸陽

之屬也

諸陽爲熱以氣諸陰爲寒以血熱病已愈其有復作  
謂病已衰而熱有作所藏因其穀氣相薄兩熱相  
合故有所遺緣熱也雖邪氣而不盡遺熱在故當  
復作

五臟俱熱者皆視之肝熱左頰先赤心熱頰先赤脾  
熱鼻先赤肺熱右頰先赤腎熱頤先赤肝熱者小  
便黃腹痛多臥身熱熱爭則狂驚脇滿手足躁而  
不得安臥心熱者不樂數日乃熱熱爭則卒心痛  
煩悶善嘔頭痛面赤無汗脾熱者頭重頰痛煩心

顏青欲吐身熱熱爭則腰痛不可仰腹滿泄兩頰  
痛肺熱者淅然厥起毫毛惡風寒舌上黃身熱熱  
爭則喘咳痛走胷背不得太息頭痛不堪汗出而  
寒腎熱者腰痛胷痠苦渴數飲身熱熱爭則項痛  
而強胷寒且痠足下熱不欲言 經曰汗出脉躁  
盛一死脉不與汗相應其病二死狂言失志者三  
死皆是怫鬱結不能解散以致危殆

素問諸熱瞀瘖暴瘖冒昧躁擾狂言罵詈驚駭胷腫  
疼痠氣逆皆手少陽相火心胞絡三焦之氣也  
夫腎水真陰本虚心火狂陽積熱以甚以致風熱壅

滯頭面昏眩肢體麻痺皮膚瘙癢筋脉拘倦胃膈  
痞滿時或痛悶或鼻窒欬衄口舌生瘡咽喉不利  
牙齒疳蝕或徧身生瘡癬疥或睡語咬牙驚惕虛  
汗或健忘心忪煩躁多睡或大小便澁滯或煩熱  
腹滿酒過積毒勞役過度中外一切勞損神狂氣  
心志不寧口苦咽乾飲食減少變生風熱諸病虛  
羸困倦或酒病瘦悴及老弱虛人或脾腎經虛風  
熱燥鬱色黑齒宣身瘦焦痿或熱中煩滿饑不飲  
食或痺或消中善食而瘦或消渴多虛頭面腫小  
便數或服甘辛熱藥過度變成三消上則消渴中

則消中下則消腎小便白膏也

神芎丸 治一切熱證常服保養除痰飲消酒食清  
頭目利咽膈能令徧身結滯宣通氣利而愈神強  
體健耐傷省病并婦人經病及產後血滯腰脚重  
痛小兒積熱驚風潮搐藏用丸亦曰顯仁丸加黃  
連薄荷川芎各半兩名曰神芎丸

大黃

黃芩

各二兩

牽牛

滑石

四兩

右爲細末滴水爲丸如小豆大溫水下十丸至  
十五丸每服加十丸日三服冷水下亦得或煉  
蜜丸愈佳或久病熱鬱無間瘦悴老弱并一切

證可下者始自十丸每服加十丸以利爲度如  
常服此藥但除腸垢積滯不傷和氣推陳致新  
得利便快並無藥燥搔擾亦不困倦虛損頗遂  
病人心意或熱甚必須急下者便服四五十丸  
未利再服以意消息三五歲孩兒丸如麻子大  
凡此一法此藥至善常服二三十丸不利藏府  
但有益無損或婦人血下惡物加桂枝半兩病  
微者常服病重者亦取利因而結滯開通惡物  
自下也此方除藏府滑泄者或重寒脉遲者或  
婦人經病產後血下不止者惟孕婦等則不宜

服除此以外一切風熱雜病悶壅塞神氣不和  
或平人保養常服自顯其功驗觀其藥味則非  
明本草造化之理者不可得而知其然也猶孔  
子讚易道明顯應化萬仁之善而不見其大道  
之用功故曰顯諸仁藏諸用因以云藏用丸亦  
其義也兼以世訛之久矣而反不喜此等妙方  
不肯服之每有久獲大効而誠懇求其方不得  
已而授之既見其方反生疑懼不復用焉亦有  
効而志信求其方務以廣傳救疾因而衆議百  
端擬疑妄生謗說致使俗醫皆畏之致道不能

神但有妨病者後之君子但行其藥明顯諸人  
勿示其方而密藏諸用耳或以一法加黃連川  
芎薄荷等各半兩治一切頭目昏眩者愈佳

柴胡飲子 治解一切肌骨蒸積熱作發寒熱往來

表熱裏和則發寒裏熱表則發熱邪熱半在表  
半在裏出入進退無和即寒熱往來明陽相勝也

畜熱寒戰表之陽和正氣與邪熱并畜於裏脉道  
不行故身冷脉絕寒戰而反煩渴也

及傷寒發汗不解或中外諸邪熱口乾煩渴或下

後熱未愈汗後勞復或骨蒸肺痿喘嗽婦人餘疾

產後經病

柴胡 人參 黃芩 甘草

大黃 當歸 芍藥 各半兩

右為末每服抄三錢水一盞生薑三片煎至七

分溫服日三服病熱甚者加減之

崔宣武柴胡飲子 加半夏 五味子 桔梗 各三錢

劉庭瑞柴胡飲子 與前分兩不同故錄之

柴胡 甘草 二兩 黃芩 當歸

芍藥 大黃 各一兩 人參 半兩 半夏 半兩

右如大勞熱病五七錢以利為度未利更加使  
病不再發也

木香萬安丸 治一切風熱怫鬱氣血壅滯頭目昏

眩鼻塞耳鳴筋脉拘倦肢體焦痿咽嗑不利胃膈痞塞腹脇痛悶腸胃燥澁淋閉不通腰脚重痛疝瘕急結痞癖堅積腸滯胃滿久不了絕走注疼痛瘖風癩病濕病腹脹水腫

木香

揀桂

甘遂

各一分

牽牛

二兩

大戟

半兩

大黃

紅皮

檳榔

各一兩

皂角

二兩要得肥好者洗淨水三盞煮二三沸取出槌碎採取汁再熬成稠膏下蜜便取出

半夏

蜜

各一兩

右膏丸小豆大每服十丸至十五丸生薑湯下小兒丸如麻子大水腫癩病諸積快利為度

玉芝徐老丸

治一切風壅消痰利膈胃脇痞悶美

飲食調五味

徐老緩慢遲老也

天南星

乾薑

各半兩

黃栢

一兩半

牽牛

四兩

半夏

白礬

大黃

各一兩

蛤粉

二兩

右為末滴水和丸如小豆大每服十丸至二十

丸溫水下食後日三服常服順氣調令人徐老

或已衰大便結者除腸垢積物可漸加至三五

十丸孕婦滑泄病忌服滑泄為牽牛大黃孕婦

為南星半夏

消痞丸

治積濕熱毒甚者身體面目黃心脇腹滿

嘔吐不能飲食痿弱難以運動咽嗑不利肢體焦  
兀眩悸膈熱坐臥不寧心火有餘而妄行上為咳  
血衄血下為大小便血腸風痔瘻三焦壅滯閉瘴  
熱中消渴傳化失常小兒疳積熱

黃連

乾葛

各一兩

黃芩

大黃

黃栢

梔子

薄荷

藿香

厚朴

茴香

炒各半兩

木香

辣桂

各一分

青黛

一兩研

牽牛

二兩

右為細末滴水丸如小豆大每服十丸新水下  
溫水亦得小兒丸如麻子大病本濕熱內甚本

自利者去大黃牽牛忌發熱諸物

和中丸

治口燥舌乾咽嗑不利胃脇痞滿心腹痛

悶小便赤澁大便結滯風氣怫鬱頭目昏眩筋脉  
拘急肢體疼倦一切風壅常服寬膈美食消痰止  
逆

牽牛

一兩

官桂

一分

大黃

紅皮

黃芩

茴香

各半兩

木香

一分

滑石

二兩

右為末滴水丸如小豆大每服二十丸煎生薑  
湯下溫水亦得日三服

崔宣武和中丸

大黃

一兩

茴香

炒

外七味同

龍腦丸 治大人小兒一切蘊積熱毒氣不散及  
失音癰疹

龍腦

朱砂

鵬砂

牛黃 各等分

右爲末鎔黃蠟爲丸如米粒大每服三五丸浸  
甘草人參湯下不計時候

大金花丸

治中外諸熱寢汗咬牙睡語驚悸溺血

淋悶咳衄血瘦弱頭痛并骨蒸肺痿喘嗽去大黃

加梔子名曰梔子金花丸 ○又名既濟解毒丸

黃連

黃栢

黃芩

大黃 各半兩

右爲末滴水丸如小豆大每服三二十九新汲

水下自利去大黃加梔子小兒丸如麻子大三  
五丸

當歸龍膽丸

治腎水陰虛風熱蘊積時發驚悸筋

惕搐搦神志不寧榮衛壅滯頭目昏眩肌肉瞤

胷痞塞咽嗑不利腸胃燥澁小便溺悶筋脉拘

奇奇猶急也重也肢體痿弱暗風癇病小兒急慢驚風常

服宣通血氣調順陰陽病無再作

當歸

草龍膽

大梔子

黃連

黃栢

黃芩

大黃

蘆會

青黛

各半兩

木香

一分

麝香

五分別研

右為末煉蜜和丸如小豆大小兒如生薑湯下每服二十九忌發熱諸物兼服防風通聖散

軟金丸 治一切熱疾常服潤肌膚柰老諸熱證皆可服

大黃 牽牛 阜角各二兩 朴硝半兩

右為末滴水丸如桐子大每服三十九白湯下自十九服至三十九食後

妙香丸 治一切久遠沉積傷寒結胃太陽厥證燥鬱攻不開者皆可服此藥亦名大聖丸

巴豆去皮不 膩粉 硃砂

龍腦 麝香 牛黃少許 朱砂各一分

水銀一錢錫子

右為末煉蜜和丸又一方用蠟丸如阜子大用藥時急要動一丸分作三丸割作眼子冷水浸煎大黃

湯下然後服熱茶一盃便行也局方內無硃砂加金箔

妙功藏用丸新補亦名顯仁丸又名神芎丸治嘔噦不食痿弱難運血溢血洩淋閉不通或泄利三焦壅滯傳化失常功不可述並宜服之

大黃 黃芩 黃連各半兩 黑牽牛一兩

荆芥穗二兩 防風一分 川芎一兩 木香二分

官桂三分滑石二兩

右為末滴水為丸如小豆大每服二十九三十丸生薑湯下日三服溫水亦得

黃帝素問宣明論方卷之四終

黃帝素問宣明論方卷之五

河間 劉守真 撰集

傷寒門

主療說

傷寒表證當汗而不可下裏證當下而不可汗半在表半裏則當和解不可發汗吐下在上則通之在下則泄之傷寒無汗表病裏和則麻黃湯汗之或天水散之類亦佳表不解半入於裏半尚在表者小柴胡湯和解之或天水良膈散甚良表裏熱勢俱甚者大柴胡湯微下之更甚者大承氣湯下之

表熱多裏熱少者天水一涼膈半和解之裏熱多  
表熱少未可下之者涼膈天水一半調之勢更甚  
者小承氣湯下之表證解但有裏證者大承氣湯  
下之凡此諸可下者通宜三一承氣湯下之發汗  
不解下後前後別無異證者通宜涼膈散調之以  
退其熱兩感倣此而已傷風自汗表病裏和者桂  
枝湯解肌半在表半在裏白虎湯和解之病在裏  
者大承氣湯下之○一法無問風寒暑濕有汗無  
汗內外諸邪所傷但有可下諸證或表裏兩證俱  
不見而日深但目睛不了了睛不和者或腹滿實

痛者或煩渴或譫妄或狂躁喘滿者或畜熱極而  
將死者通宜大承氣湯下之或三一承氣湯尤良  
傷寒大發汗汗出不解反無汗脉尚浮者蒼朮白  
虎湯再解之○或中暑自汗大出脉虛弱頭痛口  
乾倦怠煩躁或時惡寒或畏日氣無問表裏通宜  
白虎或裏熱勢甚腹滿而脉沉可下者宜大承氣  
湯或三一承氣湯傷寒表熱極甚身疼頭痛不可  
忍或眩或嘔裏有微熱不可發汗吐下擬以小柴  
胡天水涼膈之類和解恐不能退其熱勢之甚或  
大下後再三下後熱勢尚甚不能退本氣損虛而

脈不能實掇更下之恐下脫而立死不下亦熱極而  
而死寒涼之藥不能退甚熱勢之甚者或熱濕內  
餘下利不止熱不退者或因大下後熱退利不止  
熱不退脈弱氣虛不可更下者或諸濕熱內餘小  
便赤澀大便澹泄頻併少而急痛者必欲作利也  
須宜黃連解毒湯○或裏熱極甚而恐陰氣不能  
退者或已下後熱不退者或畜熱內甚陽厥極深  
以至陽氣沉細而不能營運於身陰欲絕而以致  
偏身青冷痛甚不堪項背拘急目赤睛疼昏眩恍  
惚咽乾或痛躁渴虛汗嘔吐下利腹滿實痛煩痞

悶亂喘息急聲脈雖疾數以其畜熱極深而脈道  
不利以致脈沉細而欲絕俗未明其造化之理而  
反傷熱寒極陰毒者或始得之陽熱暴甚而便有  
此證者○或兩感勢甚者通宜解毒湯加大承氣  
湯下之熱不退者再下之然雖 古人皆云三下  
熱不退即死矣亦有按法以下四五次利一二十  
行熱方退而救活者免致不下退其熱而必死也  
下後熱稍退而未愈者黃連解毒湯調之或微熱  
未除者涼膈散調之或失下熱極以至身冷脈微  
而昏冒將死者若急下之則殘陰暴絕陰氣後竭

宣明論卷五  
而立死不下亦死當以涼膈散或者黃連解毒湯  
養陰退陽畜熱漸以消散則心胃復暖脉漸以生  
至陽脉復有力者方可以三一承氣湯微下之或  
解毒加大承氣湯尤良或下後微熱不解者涼膈  
散調之愈後但宜退熱之藥忌發熱諸物陽熱易  
爲再作也

論風熱濕燥寒

諸風○風本生熱以熱爲本風爲標言風者即風熱  
病也

諸熱○熱甚而生風或熱微風甚即兼治風熱或風  
微熱甚但治其熱即風自消也

諸濕○濕本土氣火熱能生土濕故夏熱則萬物濕  
潤秋涼則濕復燥乾也濕病本不自生因於火熱  
怫鬱水液不能宣行即停滯而生水濕也凡病濕  
者多自熱生而熱氣尚多以爲兼證當云濕熱亦  
猶風熱義同雖病水寒不得宣行亦能爲濕雖有  
此異亦以鮮矣或跗腫體寒而有水者以爲畜熱  
入裏極深本非病寒也及夫寒熱吐瀉因得濕而  
成也

諸燥○燥乾者金肺之本肺藏氣以血液內損氣虛

宣明論卷五  
四  
成風則皴揭風能勝濕熱能耗液皆能成燥故經云風熱火無爲陽寒濕燥同爲陰又燥濕亦異也然燥金雖屬秋陰而其性異於寒濕燥陰盛於風熱火也故風熱甚而寒濕同於燥也然中寒吐瀉亡液而成燥者亦以此矣故經云諸澁枯涸乾勁皴揭皆屬於燥也

諸寒○寒者上下所生水液澄澈清冷穀不化小便清白不澁身涼不渴本末不經有見陽熱證其脉遲者是也此因飲食冷物過多陰勝陽衰而爲中寒也或冷熱相併而反陽氣怫鬱不能宣散怫熱

內作以成熱證者不可亦言爲冷當以成證辨之夫濕熱吐瀉當見陽脉若亡液氣虛亦能反見諸陰脉也當以標本明之不可妄治或熱證誤服白朮調中湯溫藥亦能開發陽氣宣通而愈別無加害也

傷寒表證○夫傷寒之候頭項痛腰脊強身體拘急表熱惡寒不煩躁無自汗或頭痛而肌熱鼻乾或胃滿而喘手足指未微厥脉浮數而緊者邪熱在表皆麻黃湯發汗之證也或天水散之類甚佳傷寒表裏證○傷寒身熱爲熱在表引飲或小便黃

赤爲熱在裏身熱渴或小便黃赤爲表裏俱有熱  
涼不渴小便清白爲表裏俱無熱身疼拘急表熱  
惡寒而脉浮者皆爲熱在表也引飲譫妄腹滿實  
痛發熱而脉沉者皆爲熱在裏也胃脇痞痛或嘔  
而寒熱往來脉在肌肉者邪半在表半在裏也  
內外傷○始得病脉便沉而裏病表和者內傷也脉  
浮而表病裏和者外傷也病在身體頭面四肢爲  
表病在胃腹之內爲裏病也

傷寒論

夫風寒者百病之始也是四時八節不正疫癘之氣  
故云春氣溫和夏氣暑熱秋氣清涼冬氣冰冷乃  
四時之正氣冬時嚴寒萬類深藏君子固密則不  
傷於寒觸冒之者乃傷耳春應煖而反寒夏應熱  
而反冷秋應涼而反熱冬應寒而反溫非時而邪  
氣是以辛苦之人一歲之中病無少長始自一日  
巨陽膀胱受之巨陽者三陽之首故先受之二日  
陽明胃受之三日少陽膽受之未入其藏可汗之  
四日太陰脾受之五日少陰腎受之六日厥陰肝  
受之其入藏可泄之經云其未滿三日汗之而已  
其滿三日泄之而已故聖人論汗下大槩言之以

脉分別三四日脉沉伏亦當下六七日脉浮滑亦可汗故傷寒傳足經不傳手經未詳耳且自人身十二經絡分布上下手足各有三陰三陽稟天地之氣天樞之上同天之陽天樞之下同地之陰至真大論云身半以上其氣三矣天之分也天氣主之身半以下其氣三矣地之分也地氣主之注云當陰之分冷病歸之當陽之分熱病歸之有八節邪氣所中於人陽邪爲病傳手經陰邪爲病傳足經其邪自何而入自風池而入爲脊骨兩傍一寸五分是十二經之俞穴春夏應陽秋冬應陰至真

大論云寒暑溫涼盛衰之用其在四維故陽之動始於溫盛於暑陰之動始於涼盛於寒春夏秋冬各差其分易云水流濕火就燥熱論云熱病者皆傷寒之類也人之傷於寒則爲病熱熱雖不死太陰明陽論云陽受風氣陰受濕氣注云同氣相求耳又曰傷於風者上先受之傷於濕者下先受之注云陽氣炎上故受風陰氣潤下故受濕蓋同氣相合耳故風熱火爲陽寒濕燥爲陰刺熱論云五藏俱有熱病肝熱病左頰先赤心熱病頰先赤脾熱病鼻先赤肺熱病右頰先赤腎熱頤先赤甲乙熱論

云有手足太陰熱病有手足少陰熱病有手足厥陰熱病熱論其三陰三陽五藏六府皆受病榮衛不行五藏不通則死矣未嘗則傳足經不傳手經麻黃湯 治傷寒頭痛發熱體痛惡風無汗喘滿又治太陽病脉浮緊無汗發熱身疼八九日不解表證仍在此當發其汗其人發煩目瞑必衄衄者陽氣重也

麻黃 一兩半 去節

桂枝 一兩 去皮 甘草 半兩 炙剉

杏仁 二十枚 湯浸去皮尖 或溫病身煩痛小便自利者加白朮四分微汗之

右為末每服三錢水一盞半煎至八分去滓溫

服不計時候衣覆以取汗

桂枝湯 治傷寒發熱惡寒乾嘔頭痛太陽中風陽浮陰弱解肌脉浮緊鼻鳴者

桂枝 三分 去皮 芍藥 三分 甘草 三分

右剉如麻豆大每服五錢水一盞半生薑三片棗三箇煎至七分不計時候

小青龍湯 治傷寒表未罷心下有水氣乾嘔發熱而咳或渴利或小便不利小腹滿喘

麻黃 去節湯泡去黃汗焙乾三錢利者去麻黃加芫花彈子大噎者去麻黃加附子

右剉如麻豆大每服五錢水一大盞煎至半盞

生薑棗同煎不計時候溫服

瓜蒂散 治傷寒表證罷邪熱入裏結於胃中項滿

而飢不能食四肢微厥而脉乍緊者宜以吐之經云在上吐之在下洩之

瓜蒂 小赤豆 等分

右為末香豉半合豆豉是也水一盞半煮取汁半盞

調下一錢匕不吐加服

五苓湯五苓散是也治傷寒中暑大汗後胃中乾煩燥不

得眠脉浮小便不利微熱煩渴及表裏俱熱飲水

反吐名曰逆水或攻表不解當汗而反下之利不止脉

浮表不解自利或一切留飲不散小停心下并兩

感中濕而昏躁霍亂吐瀉驚風

猪苓去皮 茯苓去皮 白朮各半兩 桂一分去皮

澤瀉一兩

右為末每服二錢熱湯調下愈妙加滑石二兩

甚佳喘嗽煩心不得眠者加阿膠半兩 夏月大

暑新水調服立愈

黃帝素問宣明論方卷之五終

黃帝素問宣明論方卷之六

河間 劉守真 撰集

傷寒方

抵當湯 治傷寒日深表證乃甚畜熱下焦脉微沉

不結胃發狂者小腹脹而硬小便自和者瘀血證也小便不和無血也或陽明畜熱內甚而喜忘或狂大便雖硬而反易其色黑者有畜血也無表裏證但發熱日深脉雖浮者亦可下之或已下後脉數胃熱消殺善飢數日不大便有瘀血也

桃仁 七箇 大黃 一分 水蛭 炒 蠶蟲 各十箇 去翅 炒

右剉如麻豆大分作二服水一盞煮半盞絞去滓溫服未下再服

抵當丸 治傷寒有熱小腹滿小便不利者為有血也當下之不可餘藥

桃仁 八箇 大黃 一分 水蛭 炒 䗪蟲 各七各依前炒

右為末蜜和作二丸用水一小盞煮一丸至六分溫服時血未下再服

大承氣湯 治表裏俱熱病勢更甚者陽明脉遲汗出不惡寒身重短氣不惡寒狂語如見鬼狀劇者發則不識人循衣摸牀惕而不安微喘直視陽明

身熱甚或吐下後不解大便五六日至十餘日晡潮熱心胃燥熱而懊憹復如瘧狀脉沉實或小便不利大便乍難乍易喘胃不能卧或腹滿實痛煩渴譫妄脉實數而沉裏熱燥甚腸胃佛鬱留飲不散胃腹高起痛不可忍但嘔冷液大渴反不能飲強飲不能止喘急悶者

大黃 半兩 芒硝 半兩 厚朴 半兩 枳實 半兩 去皮

右剉如麻豆大分半水一盞半生姜三片煎至六分內納硝煎去滓服

小承氣湯 治傷寒日深恐有燥屎腹中轉失乃可

攻之不轉矢者必初硬後溏未可攻之攻之則腹滿不能食飲水而噦其後發熱大便復硬若腹大滿不暈或陽明多汗津液外出腸胃躁熱大便必硬而譫語脉滑吐下微煩小便數大便結或一利譫語自得病二三日脉弱無太陽證柴胡證煩心心下結至四五日雖能食少少與承氣湯和之令小安

大黃 半兩 厚朴 三錢 枳實 三錢

右剉如麻豆大分作二服水一盞生姜三片煎至半盞絞汁服未利再服

調胃承氣湯 治諸發汗和解不惡寒但發熱蒸蒸

然者或日深心下溫溫欲吐胃中痛大便溏腹滿鬱鬱微煩先此時吐下者或日深裏熱譫語法當下之以銀粉巴豆燥熱大毒丸藥下之致真陰損虛邪熱轉甚因而協熱下利不止及表裏熱下之太早乘虛而入不成結胃但爲熱利不止心下滿鞭或痛煩渴咽乾脉滑數而實諸腹滿實痛者煩渴譫妄小便赤大便硬脉滑實緊

大黃 芒硝 甘草 各等分

右剉如麻豆大分一半水一大盞煎至半盞絞

去滓內硝煎不利再煎服

三一承氣湯 治傷寒雜病內外所傷日數遠近腹滿咽乾煩渴譫妄心下按之硬痛小便赤澁大便結滯或濕熱內甚而為滑泄熱甚喘嗽悶亂驚悸狂顛目疾口瘡舌腫喉痺癰瘍陽明胃熱發班脉沉可下者小兒熱極風驚潮搐煩喘昏塞并班疹黑陷小便不通腹滿欲死或班疹後熱不退久不作痂或作班紋瘡癬久不已者怫熱內成疹癰堅積黃瘦痛疾久新卒暴心痛風痰酒隔腸垢積滯久壅風熱暴傷酒食煩心悶亂脉數沉實或腎水陰虛陽熱獨甚而僵仆卒中一切暴音不語一名失音畜熱內甚陽厥極深脉反沉細欲絕或表之冲和正氣與邪熱并之於裏則裏熱亢極陽極似陰反為寒戰脉微而絕或風熱燥甚客於下焦而大小便澁滯不通者或產婦死胎不下及兩感表裏熱甚須可下者

大黃半兩芒硝半兩厚朴半兩枳實半兩

甘草一兩

右剉如麻豆大水一盞半生薑三片煎至七分內硝煎二沸去滓服

十棗湯 治太陽中風下利嘔逆短氣不惡寒熱熱汗出發作有時頭痛心下痞硬引下痛兼下水腫腹脹并酒食積脹垢積滯痰癖堅積畜熱暴痛瘡氣久不已或表之正氣與邪熱并甚於裏熱極似陰反寒戰表氣入裏陽厥極深脉微而絕并風熱燥甚結於下焦大小便不通實熱腰痛及小兒熱結乳癖積熱作發驚風潮搐斑疹熱毒不能了絕者

芫花 慢火炒變色仲景鄉俗異話云炒作熬下凡言熬者皆乾炒也

大戟 甘遂 各等分

右為末水一大盞棗十枚切開煮取汁半盞調半錢已實人每一錢

茵陳湯 治陽明裏熱極甚煩渴熱鬱留飲不散以致濕熱相搏而身發黃疸但頭汗出身無汗小便不利渴引水漿身心發黃 宜茵陳湯謂下五苓散 黃利大小便

茵陳蒿 一名山茵陳一兩去莖 川大黃 半兩

大梔子 七箇色深堅實好者梔小者用十箇

右剉如麻豆大水二盞半慢火煮至一盞絞汁溫服以利為度甚者再作當下如爛魚肚及膿

血膠膠等物及小便多出金色如皂筴汁或見  
證將 發黃此一劑分作四服調五苓散三錢

凡治發黃者無越此法妙

桂苓甘露散

一名桂苓白朮散一方甘草一兩半

治傷寒中暑冒風飲

食中外一切所傷傳受濕熱內甚頭痛口乾吐瀉  
煩渴不利間小便赤澁大便急痛濕熱霍亂吐下  
腹滿痛悶及小兒吐瀉驚風

茯苓

一兩去皮

甘草

二兩炙

白朮

半兩

澤瀉

一兩

桂

半兩去皮

石膏

二兩

寒水石

二兩

滑石

四兩

猪苓

半兩

右為末每服三錢溫湯調下新水亦得生薑湯

尤良小兒每服一錢同上法

此藥下神金丸止瀉痢無不驗也并

解內外諸邪所傷而熱又一方却不用猪苓或曰三服不計時候

梔子檠皮湯

治頭微汗小便利而微發黃者濕熱

相搏微者宜服

黃檠

半兩

甘草

一分

大梔子

十五箇

右剉如麻豆大水三盞煎至一盞絞汁分次作  
一日溫服之

梔子湯

治懊懷煩心反傷不得眠燥熱怫鬱於內

而氣不宣通胃滿痛頭微汗虛煩

大梔子

七箇剉碎

豆豉

半合俗言鹽豉少氣者加甘草一分嘔者誤以

丸藥下之者加生薑半兩或用溫湯濯手足使心胃結熱宣通而已

右剉如麻豆大或先以水二盞煮梔子至一盞

半內豉煮至半盞絞汁溫服

凡加者皆用梔子先煮或吐止後服

凡用梔子湯皆非吐人之藥以其燥熱鬱結之甚而藥頻攻之不能開通則熱發而吐因其嘔吐發開鬱結則氣通津液宣行而已故不須再服也

大陷胃湯 治汗下之後不大便五六日舌乾而渴

日晡潮熱從心至小腹脹滿而痛不可近脉當沉

緊滑數或但胃結則無大段熱頭微汗出脉沉澹

者水結也

大黃

三錢

芒硝

三錢

甘遂末

三字

右剉如麻豆大分作二服每服水一盞煎大黃

至六分內硝一二沸絞汁調甘遂一字七半溫

服未快利再服勢惡不能利以意加服

小陷胃湯 治小結胃心下按之痛脉浮而滑無大

段熱表未罷不可下之下之即死水結胃宜服

半夏

四錢湯洗全用不剉

生薑

二錢切

黃連

二錢剉

括蕒實

大者半兩惟剉其殼子則不剉若剉其中子者非也

右以水三盞煮括蕒汁一盞半內藥至一盞絞

汁兩次溫服以效

大陷胃丸 治發熱而下之太早熱入因作結胃者  
項亦強如柔瘕狀下之則和也

大黃 半兩 芒硝 一分 杏仁 十二箇去皮尖雙

仁草灰炒變色  
葶藶 三錢微炒

右大黃為末下葶藶杵羅研杏仁硝如泥和彈  
子大每服一九入甘遂末三字白蜜半匙水一  
盞煮至半盞溫服當一宿許乃下未利再服

梔子厚朴湯 治傷寒下後心煩腹滿坐臥不安者

大梔子 七箇 枳實 二錢 厚朴 半兩去皮炙

右剉如麻豆大以水一盞半煮絞汁半盞溫服

檳榔散 治傷寒陰病下之太早成痞心下痞滿而  
不痛按之軟虛也

檳榔 枳殼 等分

右為末每服三錢煎黃連湯調下不計時候溫  
服

大黃黃連瀉心湯 治傷寒成病痞不已心腹亦實  
熱煩滿或譫妄而脉沉無他證者

大黃 黃連 黃芩 各一分又一法加生薑一分甚良

右剉如麻豆大水二盞煎至一盞絞汁分三次  
溫服

黃連解毒湯 治傷寒雜病躁熱毒煩悶乾嘔口燥

及汗下吐後寒涼諸藥不能退熱勢兩感證同法

及汗下吐後寒涼諸藥不能退熱勢兩感證同法

黃連去鬚 黃蘗 黃芩 大梔子各半兩

右剉如麻豆大每服秤半兩水一茶盞煎至四

分絞去滓溫服或腹滿嘔吐或欲作利者每服

加半夏三箇生全用 厚朴二錢剉 茯苓二錢去皮剉 用水一

盞半生薑三片煎至半盞絞汁溫服名半夏黃連解毒湯

白虎湯加減白虎湯隨證用 治傷風自汗桂枝證表未解半入

於裏中暑自汗脉虛弱傷寒自汗脉滑數而實表

裏俱熱三陽合病腹滿身重口燥面垢譫語發黃

厥逆自汗和解兩感解頭痛止自汗雜病時疫未

瀉發斑兼豆疱瘡疹伏熱

知母半一兩 甘草一兩炙 粳米一合 石膏四兩為末

右剉如麻豆大抄五錢水一盞煎至六分去滓

溫服無時候日三四服或眩欬嘔者加半夏半兩

紅皮半兩 每服生姜三片煎服傷寒發汗不解

脉浮者加蒼朮半兩名蒼朮白虎湯 或汗吐下後煩渴口

乾脉洪大加人參半兩名人參白虎湯

賈同知已效方

石膏 四兩 知母 一兩 甘草 一兩

劉庭瑞已效方

知母 一兩 石膏 四兩 粳米 一合

崔宣武已效方

知母 一兩 石膏 三兩 甘草 一兩半

右為末每服三錢水一盞入粳米二十五粒煎至六分未曾下胃熱發斑兼痘如液虛瘦加人參半兩白朮半兩頭疼加川芎荊芥各三錢咳嗽加半夏三錢桔梗一兩恍惚加人參三錢茯苓半兩

涼膈散

一名連翹飲子亦有加減法

治傷寒表不解半入於裏下

證未全下後燥熱怫結於內煩心懊懷不得眠臧府積熱煩渴頭昏唇焦咽燥喉閉目赤煩渴口舌生瘡欬唾稠粘謔語狂妄腸胃燥澁便溺闕結風熱壅滯瘡癬發斑驚風熱極黑陷將死

連翹 一兩 山梔子 兩半 大黃 半兩 薄荷葉 半兩  
黃芩 半兩 甘草 一兩 朴硝 一分

右為末每服二錢水一盞蜜少許同煎至七分去滓溫服虛實加減咽喉痛涎嗽加桔梗 一兩 荊芥穗 半兩 嗽而嘔者加半夏 半兩 每服生血 姜三片同煎

衄嘔血加當歸半兩芍藥半兩生地黄一兩

者加滑石四兩茯苓去皮風眩加芎半兩石膏

三兩防風半兩酒毒加葛根一兩班疹加葛根

一兩荆芥穗半兩赤芍藥半兩芎半兩防風兩

桔梗半兩三歲兒可服七八錢或無熱甚黑陷

腹滿喘急小便赤澁而將死者此一服更

加大承氣湯約以凡言加者皆自本方加也以

下之得利者立効意加減退表裏熱益元効速

人參石膏湯 治傷寒嗽嗽不已心煩及風熱頭痛

人參一錢石膏三兩芎半兩半夏二錢

白朮半兩茯苓半兩甘草一兩大梔子三錢

知母半兩黃芩三錢

右為末每服一錢水一盞生薑三片煎至六分

去滓溫服

崔宣武人參石膏湯 治傷寒頭痛心煩悶風熱并

汗後餘熱自汗多清頭目定喘嗽

人參二錢石膏一兩芎二兩黃芩二錢

茯苓三錢甘草半兩防風三錢

右為細末每服五錢水一盞半煎至六分去滓

溫服不計時候

雙解散 治風寒暑濕飢飽勞役內外諸邪所傷無問自汗汗後雜病但覺不快便可通解得愈小兒生瘡疹使利出快亦能氣通宣而愈

益元散 七兩 防風通聖散 七兩

右二藥一處相和名爲雙解散益元散方在痢門通聖散方在風門各七兩攪勻每服三錢水一盞半入葱白五寸鹽豉五十粒生薑三片煎至一盞溫服

白朮散 治傷寒雜病一切吐瀉煩渴霍亂虛損氣弱保養衰老及治酒積嘔噦

白朮 茯苓 去皮 人參 各半 甘草 一兩

木香 一分 藿香 半兩 葛根 一兩

右爲末白湯調下二錢煩渴者加滑石二兩甚者加薑汁續續飲之

四逆湯 治傷寒表熱未入裏誤以寒藥下之太早表熱不已入裏寒下利不止因表熱裏寒自利急以溫裏利止又治少陰病脉沉下利厥逆煩渴嘔吐

甘草 一錢 乾薑 一分 附子 半箇生去皮臍附子以半兩者佳小

者力弱大者性惡非古方之宜也不但以美其大者要知古人之有則也

右判如麻豆大水二盞煎至一盞絞汁溫服或畜

熱深極而手足厥冷者不宜此方當以下之

茯苓半夏湯 治傷寒雜病一切嘔吐或喘嗽疼痛

痞滿頭痛者

茯苓一分半夏一錢生薑一分

一方加黃芩一分去腐甘草一分紅皮一分

治風痰

右判如麻豆大水一盞煎至四分絞汁下生薑

汁溫服不計時候

黃帝素問宣明論方卷之六終

